



Broj: 11-37-6951-1-1/18
Datum, 12.09.2018. godine

Na osnovu člana 13. stav 1. alineja 10. Zakona o zdravstvenoj zaštiti („Službene novine Federacije Bosne i Hercegovine“, broj: 46/10 i 75/13), člana 10. stav 1. tačka 5. Zakona o zaštiti stanovništva od zaraznih bolesti („Službene novine Federacije Bosne i Hercegovine“, broj: 29/05), a u vezi sa članom 17. Zakona o kantonalnim ministarstvima i drugim tijelima uprave („Službene novine Zeničko-dobojskog kantona“, broj: 10/15) Ministar Ministarstva zdravstva d o n o s i

NAREDBU
o provođenju obavezne preventivne sistematske deratizacije
na području Zeničko-dobojskog kantona - jesenja faza 2018. godine

I

Obaveznu preventivnu sistematsku deratizaciju na području Zeničko-dobojskog kantona – jesenja faza 2018. godine, provesti u periodu od 22.10.2018. godine do 16.11.2018. godine, u skladu sa Programom provođenja obavezne preventivne sistematske deratizacije na području Zeničko-dobojskog kantona u 2018. godini (u daljem tekstu: Program).

Obaveznom preventivnom sistematskom deratizacijom će biti obuhvaćeni sljedeći objekti i površine:

1. javne i zelene površine u pojasu naselja sa koncentriranim stanovništvom (gradska naselja),
2. obale površinskih vodotokova u gradskim i prigradskim zonama,
3. centralne deponije,
4. nezvanična (neorganizirana) odlagališta otpada - smetlišta,
5. vaspitno – obrazovni objekti (škole, obdaništa, fakulteti) i kulturni objekti sa pripadajućim vanjskim površinama,
6. kolektivni centri za smještaj i boravak izbjeglih i prognanih lica,
7. objekti kantonalnih javnih zdravstvenih ustanova sa pripadajućim vanjskim površinama,
8. objekti gradskih/općinskih javnih zdravstvenih ustanova sa pripadajućim vanjskim površinama,
9. kantonalne institucije i njihove ispostave sa pripadajućim vanjskim površinama,
10. gradske/općinske institucije i njihove ispostave sa pripadajućim vanjskim površinama,
11. individualni stambeni objekti u privatnom vlasništvu u užim zonama gradskih naselja,
12. vjerski objekti i groblja u gradskim naseljima,
13. objekti za javno vodosnabdjevanje i kanalizaciona mreža sa šahtovima i izlivnim kolektorima,
14. objekti i površine svih fizičkih i pravnih lica koji obavljaju poslovnu djelatnost,
15. objekti i sredstva javnog saobraćaja,
16. objekti za proizvodnju i promet živežnih namirnica i predmeta opće upotrebe sa pripadajućim vanjskim površinama,
17. objekti za pružanje usluga javne higijene i
18. zajednički prostori stambenih zgrada (podrumi i tavani).

II

Općine/Grad obavezni su za objekte i površine iz svoje nadležnosti (tačka I stav 2. tačke 1. 4. 8. 10 i 11.) organizovati i provesti sistematsku deratizaciju na području općine/grada u utvrđenom periodu.

Kanton je obavezan za objekte i površine iz svoje nadležnosti (tačka I stav 2. tačke 2. 5. 6. 7. 9. i 12.), organizovati i provesti sistematsku deratizaciju na području Kantona u utvrđenom periodu.

Pravna i fizička lica, vlasnici ili korisnici prostora i površina koje podliježu obaveznoj preventivnoj sistematskoj deratizaciji (tačka I stav 2. tačke 3. 13. 14. 15. 16. 17. i 18.) obavezni su isključivo u utvrđenom periodu, organizovati i provesti sistematsku deratizaciju.

U skladu sa odredbama člana 4. Zakona o zaštiti stanovništva od zaraznih bolesti („Službene novine Federacije Bosne i Hercegovine“ broj: 29/05), ukoliko mjere obavezne preventivne deratizacije provode privredna društva, odnosno fizička lica – obrtnici, obavljaju ih u skladu sa utvrđenim programom i pod nadzorom higijensko-epidemiološke službe.

III

Deratizaciju izvesti sa antikoagulantnim rodenticidima druge generacije visokog učinka.

Sredstva koja će se koristiti (rodenticidi) moraju zadovoljiti sljedeće:

1. moraju biti u skladu sa Programom provođenja obavezne preventivne sistematske deratizacije na području Zeničko-dobojskog kantona u 2018. godini,
2. gotovi preparati moraju zadovoljavati propisane standarde u pogledu koncentracije trovne mase, konstitucije preparata i drugih fizičkih i hemijskih karakteristika, te svi preparati moraju imati odgovarajuću dozvolu za upotrebu u BiH i sigurnosno tehničke listove.
3. rodenticidi moraju da imaju deklaraciju proizvodnje, kao i sertifikat o kvalitetu.

Nadležna inspekcija će izvršiti kontrolu rodenticida, utvrditi količinu i vrstu rodenticida, a u toku izvođenja deratizacije vršiti stalan nadzor nad primjenom preparata.

IV

Pravilnikom o načinu obavljanja obavezne dezinfekcije, dezinsekcije i deratizacije („Službene novine Federacije Bosne i Hercegovine“, broj: 30/16) utvrđuje se način provođenja obavezne preventivne deratizacije, te se izvođač u cjelosti mora pridržavati navedenog Pravilnika i snosi punu odgovornost za ostvarivanje mjera kojima se štiti zdravlje stanovništva i okolina od onečišćenja, trovanja i nanošenja štete.

U skladu sa Pravilnikom o uvjetima u pogledu stručne spreme zaposlenika, tehničke opremljenosti, prostorija i drugih uvjeta kojima moraju udovoljavati zdravstvene ustanove, privredna društva odnosno fizičke osobe - obrtnici za obavljanje dezinfekcije, dezinsekcije i deratizacije („Službene novine Federacije Bosne i Hercegovine“, broj: 30/16) izvođač mora imati odobrenje Federalnog ministarstva zdravstva koje uključuje upotrebu otrova II i III grupe i ispunjavati uvjete stručnog kadra za obavljanje preventivne sistematske deratizacije.

V

Obavezna preventivna sistematska deratizacija se ima provesti u skladu sa **Programom provođenja obavezne preventivne sistematske deratizacije na području Zeničko-dobojskog Kantona 2018. godine**, a koji je objavljen na web stranici Ministarstva zdravstva.

VI

Kontrolu izvođenja deratizacije obavljat će nadležna sanitarna inspekcija.

VII

Općine/Grad su dužni prije početka izvođenja svake faze na prigodan način obavijestiti javnost, građane i druga pravna i fizička lica o početku i načinu izvođenja obavezne preventivne sistematske deratizacije.

VIII

Troškove deratizacije pod rednim brojem 2. 5. 6. 7. 9. i 12. snosi Kanton.

Troškove deratizacije pod rednim brojem 1. 4. 8. 10. i 11. snose općine/Grad.

Troškove deratizacije pod rednim brojevima 3. 13. 14. 15. 16. 17. i 18. snose subjekti koji njima upravljaju.

IX

Obavezi provođenja preventivne sistematske deratizacije podliježu svi subjekti naznačeni u ovoj Naredbi, a u protivnom će biti sankcionisani prema važećim propisima.

X

Nalaže se svim gradskim/općinskim načelnicima sa područja Zeničko-dobojskog kantona da na osnovu ove Naredbe provedu postupak javne nabavke u skladu sa Zakonom o javnim nabavkama („Službeni glasnik BiH“, broj: 39/14) za izbor izvođača za objekte i površine iz svoje nadležnosti u skladu sa Programom, te da odrede općinske/gradske nadležne inspektore, koji će provoditi kontrolu izvođenja akcije sistematske deratizacije na svom području.

XI

Ministarstvo zdravstva Zeničko-dobojskog kantona će u skladu sa ovom Naredbom provesti postupak javne nabavke u skladu sa Zakonom o javnim nabavkama („Službeni glasnik BiH“, broj: 39/14) za izbor izvođača, za objekte i površine iz nadležnosti Kantona, u skladu sa Programom.

XII

Zadužuje se Kantonalna uprava za inspekcijske poslove da osigura inspekcijski nadzor nad provođenjem preventivne sistematske deratizacije na području Kantona, putem ovlaštenog sanitarnog inspektora.

XIII

Ova Naredba će se objaviti na web stranici Vlade Zeničko-dobojskog kantona www.zdk.ba

Dostavljeno:

1x svim općinskim načelnicima,

1x Gradonačelnik Grada Zenica,

1x Kantonalna uprava za inspekcijske poslove,

1x a/a

